

TERMA & SYARAT AKAUN HONG LEONG PAY&SAVE (“T&S”)

T&S ini hendaklah dibaca bersama-sama secara keseluruhan dengan Terma dan Syarat Am bagi Deposit dan Deposit Perbankan Islam, Terma dan Syarat Kad Debit, Terma dan Syarat Kad Debit Touch'n Go (“TNG”) Zing, Terma dan Syarat PEx Payment dan mana-mana terma dan syarat lain yang berkaitan seperti yang mungkin dikenakan oleh Hong Leong Bank Berhad (“HLB”) dari semasa ke semasa dengan memberi dua puluh satu (21) hari kalendar terlebih dahulu.

Kelayakan

1. **Akaun Hong Leong Pay&Save (“Akaun”)** terbuka kepada individu warga Malaysia dan Pemastautin bukan warga Malaysia berumur lapan belas (18) ke atas, sama ada atas nama tunggal atau nama bersama (“Pemegang Akaun”).
2. Pemastautin bukan warga Malaysia tertakluk kepada peruntukan **Akta Perkhidmatan Kewangan 2013** dan **Peraturan Pentadbiran Pertukaran Asing** yang dikeluarkan di bawahnya.
3. Empunya Tunggal, Perkongsian, Amalan Profesional, Kelab, Pertubuhan, Persatuan, Sekolah, Perbadanan, Organisasi Bukan Untung dan entiti perniagaan yang lain tidak layak membuka atau mengendalikan Akaun tersebut.
4. Deposit permulaan minimum untuk membuka Akaun ialah **Ringgit Malaysia Dua Ratus (RM200)**.
5. Pencadang tidak diperlukan untuk membuka Akaun dan tiada Buku Akaun akan dikeluarkan.

Penukaran Produk kepada Akaun Hong Leong Pay&Save

6. Setiap Pemegang Akaun hanya layak mengendalikan sama ada satu (1) Akaun Hong Leong SmartLink atau satu (1) Akaun Hong Leong Pay&Save.
7. Akaun Hong Leong SmartLink akan dihentikan berkuatkuasa 11 Oktober 2012 dan tidak lagi disediakan untuk akaun baru. Pemegang Akaun Hong Leong SmartLink sedia ada akan terus menikmati keistimewaan dan manfaat produk Hong Leong Smartlink.
8. Jenis-jenis akaun yang berikut layak untuk penukaran kepada Akaun Hong Leong Pay&Save dengan syarat akaun sedia ada tidak mempunyai kemudahan overdraf:
 - Akaun Hong Leong SmartLink
 - Akaun Semasa Asas Hong Leong
 - Akaun Semasa Hong Leong

Pemegang Akaun layak mendapat Kadar Faedah Simpanan, Faedah e-Xtra, Faedah Bonus Kad Debit dan Faedah Bonus apabila menukar kepada Akaun Hong Leong Pay&Save.

Kadar Faedah Simpanan

9. Pemegang Akaun layak mendapat Faedah Simpanan (“Faedah”) sekiranya Pemegang Akaun telah meletakkan deposit minimum sebanyak **Ringgit Malaysia Dua Ribu (RM2,000)** dalam transaksi tunggal ke dalam Akaun untuk **tiga (3)** bulan kalendar berturut-turut, tertakluk kepada terma dan syarat yang terkandung di sini.
10. Deposit minimum RM2,000 ditakrifkan sebagai sebarang peletakan ke dalam Akaun pada bulan tersebut dengan pengecualian yang berikut:
 - Pengeluaran matang atau pengeluaran pra-matang Deposit Tetap/-i daripada mana-mana akaun Hong Leong Bank Berhad (“HLB”) / Hong Leong Islamic Bank Berhad sedia ada;

- Pemandahan dana intra-bank iaitu pemandahan dana dari akaun HLB/HLISB yang lain (sama ada Akaun Simpanan/-i, Akaun Semasa/-i, Deposit Tetap/-i, Akaun Pelaburan Berjangka-i dan Akaun Pelaburan Am-i);
- Perolehan daripada penebusan ekuiti, dana unit amanah, bon/sukuk dan/atau Hong Leong Invest Safe sewaktu Tempoh Promosi yang didepositkan semula ke dalam mana-mana Akaun Simpanan/-i atau Akaun Semasa/-i Pemegang Akaun;
- Sebarang transaksi kewangan yang tidak berjaya atau yang dibalikkan ke dalam Akaun.

11. Faedah Simpanan dikira dan diakru setiap hari berdasarkan baki penghujung hari dan dikreditkan ke dalam Akaun setiap suku tahun pada **1 hari bulan (1 hb.)** bulan pertama Suku Tahun berikutnya apabila kriteria Faedah Simpanan dipenuhi. Pecahan bulan setiap Suku Tahun dan tarikh pengkreditan faedah untuk setiap Suku Tahun adalah seperti berikut:

Suku Tahun	Pecahan Bulanan	Tarikh Perkreditan
Suku Pertama	1 hb. Januari sehingga 31 hb. Mac	1 hb. April
Suku Kedua	1 hb. April sehingga 30 hb. Jun	1 hb. Julai
Suku Ketiga	1 hb. Julai sehingga 30 hb. September	1 hb. Oktober
Suku Keempat	1 hb. Oktober sehingga 31 hb. Disember	1 hb. Januari

12. Kadar Faedah atas baki kredit Akaun dikira berdasarkan kaedah wang pukat. Sekiranya Akaun ditutup sebelum tarikh perkreditan Faedah Simpanan yang berikutnya, Pemegang Akaun bersetuju untuk menyetepikan Faedah Simpanan (jika ada).
13. Faedah Simpanan akan dibayar berdasarkan baki penghujung hari, bermula daripada **Ringgit Malaysia Satu Ribu (RM1,000)** sehingga baki maksimum **Ringgit Malaysia Satu Ratus Ribu (RM100,000)**
14. Kadar Faedah Simpanan yang terkini boleh didapati di laman sesawang korporat HLB www.hlb.com.my ("**Laman Sesawang HLB**").

Kadar Faedah e-Xtra

15. Pemegang Akaun layak mendapat Faedah e-Xtra sekiranya Pemegang Akaun telah membuat Bayaran Bil Layak dengan amaun kumulatif minimum **Ringgit Malaysia Lima Ratus (RM500)** pada bulan berkenaan dan bayaran dibuat daripada Akaun atau menerusi Kad Debit Hong Leong ("Kad Debit") yang telah ditandakan kepada Akaun sebagai akaun pembelian runcit, tertakluk kepada terma dan syarat yang terkandung di sini.
16. "**Bayaran Bil Layak**" adalah bermaksud transaksi pembayaran yang dibuat daripada Akaun melalui *Hong Leong Connect Online Banking* kepada pihak-pihak berikut:
- i) Pengebil yang disenaraikan dalam laman sesawang Hong Leong Connect Bill Payment;
 - ii) Pengebil JomPay;
 - iii) Saudagar/pengebil berdaftar FPX (DirectDebit); dan
 - iv) HLB/HLISB untuk kad kredit, pinjaman/pembiayaan peribadi, pinjaman/pembiayaan hartanah, pinjaman/pembiayaan auto dan pembiayaan ASB-i.
17. Amaun maksimum Faedah e-Xtra dihadkan pada Ringgit Malaysia Tiga Puluh (RM30) sebulan.
18. Kadar Faedah e-Xtra dikira berdasarkan **Baki Purata Harian ("DAB")** Akaun pada akhir bulan dan diakru pada **1 hari bulan (1 hb.)** bulan pertama Suku Tahun berikutnya. Dibawah adalah formula pengiraan faedah jika kriteria Faedah e-Xtra dipenuhi;

$$\text{Faedah e-Xtra} = \text{DAB} \times \text{Masa (T)} \times \text{Kadar (R)}$$

Di mana:

DAB = Jumlah baki lejar akhir hari dalam bulan / Jumlah bilangan hari dalam bulan

Masa (T) = Bilangan hari dalam bulan / Bilangan hari dalam tahun, berdasarkan tahun kalendar 365 hari

Kadar (R) = Kadar Faedah e-Xtra

19. Bayaran Bil Layak yang tidak berjaya atau dibalikkan tidak akan diambil kira dalam pengiraan Faedah e-Xtra. Sekiranya Akaun ditutup sebelum tarikh perkreditan Faedah e-Xtra yang berikutnya, Pemegang Akaun bersetuju untuk mengetepikan Faedah e-Xtra (jika ada).
20. Kadar Faedah e-Xtra yang terkini boleh didapati di Laman Sesawang HLB.

Faedah Bonus Kad Debit

21. Pemegang Akaun layak mendapat Faedah Bonus Kad Debit sekiranya Pemegang Akaun telah membuat transaksi runcit Kad Debit dengan amaun kumulatif minimum **Ringgit Malaysia Lima Ratus (RM500)** menerusi Kad Debit Hong Leong yang telah ditandakan kepada Akaun sebagai akaun pembelian runcit, tertakluk kepada terma dan syarat yang terkandung di sini.
22. Amaun maksimum Faedah Bonus Kad Debit dihadkan pada Ringgit Malaysia Tiga Puluh (RM30) sebulan.
23. Transaksi runcit Kad Debit yang layak mendapat Faedah Bonus Kad Debit ditakrifkan seperti berikut ("**Transaksi Layak**"):

No.	Transaksi Layak	Amaun Maksimum Faedah Bonus Kad Debit
1	Petrol	RM30
2	Membeli-belah	
3	Keperluan Dapur	
4	Restoran	
5	Lain-lain penggunaan Kad Debit	

24. Faedah Bonus Kad Debit dikira berdasarkan Baki Purata Harian Akaun pada akhir bulan.
25. Kadar Faedah Bonus Kad Debit dikira berdasarkan **Baki Purata Harian ("DAB")** Akaun pada akhir bulan dan diakru pada **1 hari bulan (1 hb.)** bulan pertama Suku Tahun berikutnya. Dibawah adalah formula pengiraan faedah jika kriteria Faedah Bonus Kad Debit dipenuhi;

$$\text{Faedah e-Xtra} = \text{DAB} \times \text{Masa (T)} \times \text{Kadar (R)}$$

Di mana:

DAB = Jumlah baki lejar akhir hari dalam bulan / Jumlah bilangan hari dalam bulan

Masa (T) = Bilangan hari dalam bulan / Bilangan hari dalam tahun, berdasarkan tahun kalendar 365 hari

Kadar (R) = Kadar Faedah Bonus Kad Debit

26. Transaksi Layak yang tidak berjaya atau dibalikkan tidak akan diambil kira dalam pengiraan Faedah Bonus Kad Debit. Sekiranya Akaun ditutup sebelum tarikh perkreditan Faedah Bonus Kad Debit yang berikutnya, Pemegang Akaun bersetuju untuk mengetepikan Faedah Bonus Kad Debit (jika ada).
27. Kadar Faedah Bonus Kad Debit yang terkini boleh didapati di Laman Sesawang HLB.

Ciri Dagangan Sekuriti

Berikut merupakan terma, syarat dan takrifan tertentu yang akan terpakai pada Pemegang Akaun yang telah memohon untuk Ciri Dagangan Sekuriti ("**Terma dan Syarat Dagangan Sekuriti**"). Sekiranya terdapat sebarang konflik atau ketidakselarasan di antara Terma dan Syarat Dagangan Sekuriti dan T&S ini, Terma dan Syarat Dagangan Sekuriti akan terpakai.

28. Ciri Dagangan Sekuriti hanya akan dibenarkan untuk Pemegang Akaun yang telah memenuhi syarat-syarat berikut:
 - a) Pemegang Akaun telah mendaftar dengan HLB untuk Hong Leong Connect Digital Banking Services ("HL Connect") dan telah memohon untuk Ciri Dagangan Sekuriti;
 - b) Pemegang Akaun telah membuka Akaun Dagangan HLeBroking ("Akaun Dagangan") dengan Hong Leong Investment Bank Berhad ("HLIB") dan akaun Sistem Depositori Pusat ("Akaun CDS") melalui HLIB yang akan dihubungkan kepada Akaun untuk tujuan dagangan sekuriti di Bursa Malaysia Securities Berhad ("Bursa Malaysia") dan/atau bursa sekuriti yang diluluskan yang lain sebagaimana yang ditentukan oleh HLB dari semasa ke semasa ("Sekuriti Yang Diluluskan");
 - c) Akaun tersebut akan dihubungkan kepada Akaun Dagangan dan Akaun CDS; dan
 - d) Semua urusan niaga Sekuriti Yang Diluluskan akan dilaksanakan melalui HLIB dengan menggunakan perkhidmatan pelabur elektronik HLIB yang dikenali sebagai HLeBroking ("Perkhidmatan HLeBroking") dan diakses melalui HL Connect. Pautan ke Perkhidmatan HLeBroking akan tersedia di HL Connect sebagai cara alternatif untuk Pemegang Akaun mengakses Perkhidmatan HLeBroking.
29. Setiap belian Sekuriti Yang Diluluskan oleh Pemegang Akaun dengan menggunakan Akaun Dagangan yang dibuka menurut Klausula 28 di atas adalah tertakluk kepada Dana Yang Tersedia (seperti yang ditakrifkan dalam Klausula 30 di bawah).
30. "**Dana Yang Tersedia**" adalah bermaksud jumlah wang yang ada di dalam Akaun dan tersedia untuk digunakan oleh Pemegang Akaun, termasuk penggunaan Dana Yang Tersedia untuk tujuan pembelian Sekuriti Yang Diluluskan melalui HLIB.
31. Dana Yang Tersedia di dalam Akaun akan dikendalikan secara berikut:
 - 31.1. Had Dagangan untuk pembelian Sekuriti Yang Diluluskan
 - (a) Had dagangan yang tersedia kepada Pemegang Akaun untuk membeli Sekuriti Yang Diluluskan melalui Perkhidmatan HLeBroking adalah dikira dan ditentukan oleh HLB, berdasarkan Dana Yang Tersedia ("**Had Dagangan**") dengan mengambil kira anggaran komisen pembrokeran dan kos-kos lain yang berkaitan dengan pembelian Sekuriti Yang Diluluskan ("**Kos Transaksi**").
 - (b) Had Dagangan akan dipinda dari semasa ke semasa berdasarkan baki kredit yang tersedia di dalam Akaun serta pengiraan dan penentuan Had Dagangan oleh HLB adalah yang terakhir dan muktamad.
 - (c) Bagi mengelakkan keraguan, apa-apa sekuriti yang dijual oleh Pemegang Akaun dengan menggunakan Akaun Dagangan tidak akan diambil kira oleh HLB dalam menentukan Had Dagangan sebelum tarikh penyelesaian jualan tersebut.
 - (d) Tanpa prejudis kepada hak pengiraan dan penentuan HLB sebagaimana yang dinyatakan sebelum ini, semua amaun yang diperuntukkan untuk pembelian apa-apa Sekuriti Yang Diluluskan (termasuk Kos Transaksi belum bayar) dan/atau apa-apa transaksi perbankan yang lain (termasuk perbelanjaan runcit melalui Kad Debit) akan ditolak daripada dan tidak boleh menjadi sebahagian daripada Dana Yang Tersedia bagi pengiraan Had Dagangan.

31.2. Peruntukan untuk pesanan belian

Dana Yang Tersedia akan diperuntukkan sebaik sahaja pesanan belian untuk Sekuriti Yang Diluluskan dibuat, di mana amaun yang diperuntukkan adalah bersamaan dengan jumlah harga belian Sekuriti Yang Diluluskan dan Kos Transaksi. Amaun yang diperuntukkan tidak akan tersedia untuk pengeluaran dan/atau pemindahan oleh Pemegang Akaun sehingga tarikh penyelesaian menurut Peraturan Sistem Penyerahan dan Penyelesaian Tetap Bursa Malaysia (“**Peraturan FDSS**”), di mana:

- (a) ia akan digunakan untuk penyelesaian harga belian dan Kos Transaksi Sekuriti Yang Diluluskan yang dibeli; atau
- (b) peruntukan akan dilepaskan sekiranya pesanan belian tidak berjaya dipadankan.

31.3. Penyelesaian dagangan

31.3.1. Pada tarikh penyelesaian menurut Peraturan FDSS, HLB dengan ini diberi kuasa oleh Pemegang Akaun untuk menggunakan amaun yang diperuntukkan menurut Klausa 31.2 di atas seperti berikut:

- a) Bagi penyelesaian semua kontrak belian di bawah Akaun Dagangan; dan/atau
- b) Bagi penyelesaian kontrak belian di mana kaunter yang akan diserahkan untuk kontrak belian yang telah dilaksanakan digantung daripada dagangan oleh pengawal selia pasaran yang berkaitan atas sebarang sebab.

31.3.2. Sekiranya amaun yang diperuntukkan tidak mencukupi untuk penyelesaian semua kontrak belian, Pemegang Akaun mesti menyelesaikan perbezaan di antara harga belian dan Kos Transaksi Sekuriti Yang Diluluskan yang dibeli (“**Jumlah Perbezaan**”) sebelum HLB mengirim amaun yang diperuntukkan tersebut kepada HLIB.

31.3.3. Sekiranya HLB dinasihati oleh HLIB akan adanya kerugian kontra, nota debit dan perbelanjaan yang ditanggung secara munasabah yang berkaitan dengan dan mematuhi terma dan syarat yang mentadbir Akaun **Dagangan (“Kerugian Kontra/Nota Debit”)**, HLB dengan ini diberi kuasa oleh Pemegang Akaun untuk mendebit Akaun Pemegang Akaun untuk Kerugian Kontra/Nota Debit tersebut sebagaimana yang dinasihati oleh HLIB kepada HLB tanpa perlu mendapatkan keizinan bertulis terlebih dahulu daripada Pemegang Akaun.

31.3.4. Apa-apa dan semua hasil jualan yang diterima untuk Akaun Dagangan akan dikreditkan ke dalam Akaun menurut Peraturan FDSS. Sekiranya HLB dinasihati oleh HLIB akan adanya keuntungan kontra, keuntungan kontra tersebut akan dikreditkan ke dalam Akaun tidak lewat daripada **tiga (3)** hari daripada tarikh kontra.

32. Apabila memperuntukkan Dana Yang Tersedia sebaik sahaja pesanan belian dibuat oleh Pemegang Akaun untuk belian Sekuriti Yang Diluluskan, HLB tidak akan bertanggungjawab untuk memeriksa dan memastikan bahawa terdapat wang yang mencukupi di dalam Akaun selepas peruntukkan dana tersebut bagi memenuhi apa-apa Arahan Tetap yang telah diatur oleh Pemegang Akaun. Pemegang Akaun adalah bertanggungjawab sepenuhnya untuk memastikan terdapat wang yang mencukupi di dalam Akaun untuk memenuhi kewajipan apa-apa Arahan Tetap yang telah diberikan kepada HLB dan HLB tidak akan bertanggungjawab ke atas dan tidak akan tertakluk kepada apa-apa tuntutan, kerugian, liabiliti, kewajipan, denda, kos dan perbelanjaan akibat atau berkaitan dengan Arahan Tetap yang tidak berjaya.

33. Hanya untuk dan kecuali pindaan berikut yang terpakai ke atas Akaun, Terma dan Syarat Am Akaun HLB akan terpakai ke atas Akaun:

33.1. Pengendalian Akaun yang dipegang secara bersama oleh dua (2) atau lebih individu adalah berdasarkan bahawa mana-mana Pemegang Akaun boleh mengendalikan Akaun pada bila-bila masa.

33.2. Tiada fasiliti cek untuk Akaun

34. Pemegang Akaun yang telah berjaya melanggan Ciri Dagangan Sekuriti dengan ini memberi kuasa yang tidak boleh ditarik balik dan membenarkan HLB, pegawai dan kakitangannya untuk mendedahkan dan menyediakan semua maklumat berkaitan Akaun kepada HLIB untuk memudahkan urusan niaga Sekuriti Yang Diluluskan menurut arahan Pemegang Akaun serta memudahkan pengendalian Akaun Dagangan dan Akaun CDS menurut Ciri Dagangan Sekuriti.

Faedah Bonus Dagangan Saham

35. Pemegang Akaun layak mendapat Faedah Bonus Dagangan Saham dengan syarat Pemegang Akaun telah membuat sekurang-kurangnya satu (1) belian atau jualan Sekuriti Yang Diluluskan yang berjaya dengan menggunakan Akaun Dagangan, tertakluk kepada terma dan syarat yang terkandung di sini.
36. Faedah bonus atas baki kredit yang tersedia di dalam Akaun ("**Faedah Bonus Dagangan Saham**") akan diberi kepada Pemegang Akaun Yang Layak secara berperingkat berdasarkan jumlah amaun dagangan oleh Pemegang Akaun dalam bulan kalendar ("**Jumlah Amaun Dagangan Bulanan**" atau "**MTA**").

Di mana MTA dikira seperti berikut:

- (i) Untuk transaksi Belian:
 $MTA = [\text{Unit} \times \text{Harga Belian}] + \text{Kos Transaksi}$
- (ii) Untuk transaksi Jualan:
 $MTA = [\text{Unit} \times \text{Harga Jualan}] - \text{Kos Transaksi}$
37. Semakin banyak MTA yang dibuat dalam sebulan, semakin tinggi Faedah Bonus Dagangan Saham yang diperoleh atas baki kredit di dalam Akaun.
38. Faedah Bonus Dagangan Saham dikira berdasarkan Baki Purata Harian Akaun pada akhir bulan.

Faedah Bonus Dagangan Saham = DAB x Masa (T) x Kadar (R)

Di mana:

DAB = Jumlah baki lejar akhir hari dalam bulan / Jumlah bilangan hari dalam bulan

Time (T) = Bilangan hari dalam bulan / Bilangan hari dalam tahun, berdasarkan tahun kalendar 365 hari

Rate (R) = Faedah Bonus Dagangan Saham berdasarkan MTA pada akhir bulan

39. Kadar Faedah Bonus Dagangan Saham yang terkini boleh didapati di Laman Sesawang HLB.
40. Faedah Bonus Dagangan Saham dikira pada akhir bulan dan dikreditkan setiap **1 hari bulan (1 hb.)** bulan berikutnya
41. Sekiranya Akaun ditutup sebelum tarikh pengkreditan Faedah Bonus Dagangan Saham yang berikutnya, Pemegang Akaun bersetuju untuk mengetepikan Faedah Bonus Dagangan Saham (jika ada).
42. Bagi Akaun dengan Ciri Dagangan Sekuriti, penyata Akaun akan dihantar kepada Pemegang Akaun:
- 42.1. setiap bulan, apabila Akaun Dagangan diaktifkan;
- 42.2. setiap dua bulan, apabila Akaun Dagangan ditutup.

Yuran dan Caj

43. Yuran dan caj standard Akaun Hong Leong Pay&Save, Akaun Semasa, Kad Debit dan Kad Debit Touch'n Go ("TNG") Zing adalah terpakai dan boleh didapati di Laman Sesawang HLB.

Umum

HLB mempunyai hak pada bila-bila masa dengan memberi **notis dua puluh satu (21)** hari kalendar terlebih dahulu untuk menambah, menggugurkan, menggantung atau meminda terma dan syarat yang terkandung di sini, sama ada secara keseluruhan atau sebahagian, menurut budi bicaranya yang mutlak dengan menyiarkannya di Laman Sesawang HLB atau dengan apa-apa cara yang dianggap sesuai oleh HLB. Pemegang Akaun bersetuju untuk mengakses laman sesawang tersebut dari semasa ke semasa untuk menyemak terma dan syarat dan memastikan supaya apa-apa perubahan atau pindaan kepada terma dan syarat sentiasa diikuti.

Dilindungi oleh PIDM setakat RM250,000 bagi setiap pendeposit.